



Broj: 02-1251/2017  
Sarajevo, 29.09.2017. godine

Na osnovu člana 64. stav (1). tačka b), člana 25. i 70. stavovi (1), (2), (3) i (6), Zakona o javnim nabavkama («Sl.glasnik BiH», broj 39/14), člana 8. stav 2. tačka d) Pravilnika o uspostavljanju i radu Komisije za nabavke («Sl.glasnik BiH», broj 103/14), i člana 6. tačka c) i f) Poslovnika o radu komisije za nabavke Kantonalnog stambenog fonda, na Preporuku Komisije za nabavku broj: 02-SI/2017 od 28.09.2017. godine, u postupku javne nabavke – nabavka radova na povećanju energetske efikasnosti u stambenim zgradama na području Kantona Sarajevo u 2017. godini, Općina Ilijaš, ul. 126. Ilijaške brigade 12 i 14, direktor Kantonalnog stambenog fonda Sarajevo je donio

**ODLUKU  
o izboru najpovoljnijeg ponuđača**

**Član 1.**

Prihvata se Preporuka Komisije za nabavku, broj: 02-SI./2017 od 28.09.2017. godine i ugovor za javnu nabavku - nabavka radova na povećanju energetske efikasnosti u stambenim zgradama na području Kantona Sarajevo u 2017. godini, Općina Ilijaš, ul. 126. Ilijaške brigade 12 i 14, dodjeljuje se ponuđaču «Bahen-Gradnja» d.o.o. Sarajevo, ponuda br. 303/17, dostavljena dana 21.09.2017. godine, za ponuđenu cijenu od 132.686,82 KM (sa PDV-om), kao najpovoljnijem ponuđaču.

**Član 2.**

Izabrani ponuđač je dužan da u roku od 7 (sedam) dana od dana dostavljanja ove Odluke dostavi originale ili ovjerene kopije dokumentacije iz članova 45, 47 i 51. Zakona o javnim nabavkama, koje su naveden u tačkama 11. i 12. tenderske dokumentacije br. 1/17.

Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, ugovor za javnu nabavku dodjelite će se drugorangiranom ponuđaču u skladu sa članom 72. stav 3. Zakona o javnim nabavkama.

**Član 3.**

Prijedlog Ugovora o nabavci dostavit će se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

**Član 4.**

Za izvršenje ove Odluke zadužuje se i ovlašćuje Željko Galić, dipl.ing.arh..

**Član 5.**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.





## Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-1051/2017 od 30.08.2017. godine.

Javna nabavka je sprovedena otvorenim postupkom.

Procijenjena vrijednost javne nabavke bez PDV-a je 141.000,00KM.

Obavještenje o nabavci broj: 882-1-3-4-3-3/17 poslato na objavljivanje dana 31.08.2017. godine, a objavljeno je na Portalu javnih nabavki dana 31.08.2017. godine.

Komisija za nabavku imenovana je Rješenjem broj: 02-1134/2017 od 15.09.2017. godine.

Komisija za javnu nabavku dostavila je direktoru zapisnik o pregledu i ocjeni ponuda broj: 02-SI./2017 od 28.09.2017. godine, Preporuku o izboru najpovoljnijeg ponuđača broj: 02-SI./2017 od 28.09.2017. godine i Izvještaj o radu broj: 02-SI./2017 od 28.09.2017. godine, u postupku javne nabavke - nabavka radova na povećanju energetske efikasnosti u stambenim zgradama na području Kantona Sarajevo u 2017. godini, Općina Ilijaš, ul. 126. Ilijaške brigade 12 i 14.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike u kojima je utvrđeno sljedeće:

- da je u predmetnom postupku primljeno sedam ponuda,
- da je blagovremeno primljeno sedam ponuda,
- da nije bilo neblagovremeno primljenih ponuda,
- da su ponude ponuđača GD «Konstrukcije» d.o.o. Mostar, «Džekos» d.o.o. Sarajevo, «Bahen-Gradnja» d.o.o. Sarajevo, Miličević d.o.o. Kreševo i «Inggra» d.o.o. Sarajevo, kvalifikovane i prihvatljive, dostavljeni su svi traženi dokazi propisani tenderskom dokumentacijom, na propisan način,
- da se ponuda ponuđača Euro-profil commerce d.o.o. Visoko i «Ans-drive» d.o.o. Sarajevo, odbacuje na osnovu člana 68. stav 1. Zakona o javnim nabavkama («Sl.glasnik BiH», broj 39/14) iz sljedećih razloga razloga:

Ponuđač **«Euro-profil commerce» d.o.o Visoko** je dostavio:

- Rješenje o registraciji starije od 3 mjeseca (datum 06.04.2015. godine)
- ponuda nije bila čvrsto uvezana (član 58. stav (2) Zakona o javnim nabavkama).

Ponuđač **«Ans-drive» d.o.o. Sarajevo** je dostavio:

- Rješenje o registraciji starije od 3 mjeseca (datum 14.08.2015. godine)
- Izjave o ispunjenosti uslova iz članova 47 i 5. Zakona o javnim nabavkama nisu bile ovjerene od strane nadležnog organa.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz tenderske dokumentacije.

U postupku ocjene provedenog postupka, direktor nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog: najniže cijene.





1.	<b>Naziv ponuđača</b>	„Bahen-Gradnja“ d.o.o. Sarajevo
2.	<b>Sjedište i adresa</b>	Senada Poturka Senčija 131, Sarajevo
3.	<b>Ukupna cijena ponude sa PDV-om</b>	132.686,82KM
4.	<b>Garantni period za radove</b>	2 godine
5.	<b>Rok izvođenja radova</b>	60 kalendarskih dana
6.	<b>Podaci o dijelu ugovora koji se daju u podugovor i podaci o podizvođaču, ako je primjenjivo</b>	Ponuđač ne namjerava sklapati podugovor sa trećom stranom

Iz navedenih razloga, primjenom člana 64. stav (1). tačka b) Zakona o javnim nabavkama, člana 25, člana 70. stavovi (1), (2) i (3) Zakona o javnim nabavkama («Sl.glasnik BiH», broj 39/14), člana 8. stav 2. tačka f) Pravilnika o uspostavljanju i radu Komisije za nabavke («Sl.glasnik BiH», broj 103/14) i člana 6. tačka f) Poslovnika o radu komisije za nabavke Kantonalnog stambenog fonda Sarajevo, odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu Hiseta 13A, Kantonalni stambeni fond Sarajevo.

Žalba se podnosi u najmanje 3 (tri) primjerka.



#### **Dostaviti:**

- «Bahen gradnja» d.o.o. Sarajevo
- GD «Konstrukcije» d.o.o. Mostar
- «Džekos» d.o.o. Sarajevo
- «Euro profil commerce» d.o.o. Visoko
- Miličević d.o.o. Kreševo
- «Ans-Drive» d.o.o. Sarajevo
- «Inggra» d.o.o. Sarajevo
- Fond
- Odjel za pravne i ekonomske poslove
- a/a

